



Память празднуем 7 и 9 августа.

СВЯТАЯ ПРАВОВЕРНАЯ ЦАРИЦА – ИСПОВЕДНИЦА ИРИНА ВИЗАНТИЙСКАЯ

Тропарь гл.4

Умом просвещенным и чистым сердцем/ от образа восходя к
первообразу./ Властью тебе Богом данною/ Седьмый
Вселенский Собор составила еси,/ Ирино Венценосная.

Кондак гл.6

Богоименитая Ирино,/ Второго Рима самодержице,/ ереси
сокрушительнице,/ святых икон почитательнице,/ изографов
покровительнице./ Преподобных Отцев собеседнице,/ сирых и
убогих попечительнице,/ узы родства ради Христа разсекшая,/ мученически исповедала еси//Торжество Православия.

Величание

Величаем тя, / исповеднице Христова, правоверная царице
Ирино Византийская,/ и чтим святую память Твою,/ Ты бо
молиши за нас // Христа Бога нашего.

Канон, глас 6

Песнь 1

Ирмос: Яко по суху пешешествовав Израиль, по бѣдне
стопами, гонителя фараона видя потопляема, Богу побѣдную
пѣснь поим, вопияше.

Припев: Святая царице Ирино Византийская, моли Бога о нас.

Ирины Богомудрыя молитвами темницу души моя осияй,
Христе, зрети ми дая, Владыко, Твоего Нетварнаго света, во
ѣже утреневати и славословити Державу Твою.

Припев: Святая царице Ирино Византийская, моли Бога о нас.

Испѣрва утаѣнная, в послѣдняя явила себѣ во славе
прославльшаго тя Христа, во истине Того утвердити вѣрныя, и
духа лѣстча долу пленити мя тщащагося, гласом твоим
кротчим далѣче отжени.

Слава:

Ум чист и свѣтел даруй ми словесами тёплых молитв твоих ко
Господу, и испроси нам свыше милость Его, предстательнице
Богоуслышанная.

Иныне:

Неугасимая Лампадо, Заря присносиятельная, нощию мя
скорбѣй обдержима, просвети молитвами Твоими, Солнце
Славы Христа Рождшая.

Песнь 3

Ирмос: Нѣсть свят, якоже Ты, Господи Боже мой, вознесый рог
вѣрных Твоих, Блаже, и утвердивый нас на камени исповѣдания
Твоего.

Припев: Святая царице Ирино Византийская, моли Бога о нас.

Не все в вероух в Бога Жива, все сотворшаго и всем все подающего, мёртвенная ереси отинула еси служение и явилася другиня чинов Небесных.

Припев: Святая царице Ирино Византийская, моли Бога о нас.

Вольным благодерзновением твоим ко исповеданию молниевидно устремилася еси и Имени Христова облистанием тьму миродержца рассела еси, хоругвь зрим тя победную, царице Ирино, Торжества Православия.

Слава:

Ирино, благоверная царице, равноапостольна, и в купе исповеднице, послежде - преподобна еси, Троического Божества зеркало светозарное.

Иныне:

Умири мир, Христе, мольбами Пречистыя Богородицы, низлагая

Силу вражю и тишину неизглаголанную даруя нам, во веки сохрани.

Седален, гл. 6

Благочестия Божественное прозябение, цвет благоуханный лозы Христовы, нечестия потребительнице, Ирино Богомудрая, еретическое злобесие соборно отсече, отьяша оскорбление от Церкви Божией, досточестное поклонение святым иконам незыблемо сотворша, сего ради вопием ти: Ущедри твоими молитвами все чтущия любовию святую память твою.

Песнь 4

Ирмос: Христос моя сила, Бог и Господь, честная Цѣрковь
боголёпно поѣт, взываюци от смысла чиста, о Господе
празднующи.

Припев: Святая царице Ирино Византийская, моли Бога о нас.

Вравие* в царственную длань приявше, нравом благочестива и
Божѣственными дарованиями досточудна, Христоролюбце
явилася еси, сего ради, Ирино, песнословим тя.

Припев: Святая царице Ирино Византийская, моли Бога о нас.

В ризу свѣтлу, свыше истканную, яко всеоружная, облечѣся в
правду Божию, воительнице, ратующая на оскорбляющих образ
Христа, и стражнице бодренная догматов Цѣрковных.

Слава:

Божѣственным рачѣнием сердце твое сотворила храм
Господеви и цѣркви святыя Тому зиждуще, преизящне
украшала еси, райское велелѣпие предвосхищая.

Иныне:

Приими, Отроковице Пречистая, Божественную песнь,
воздаючи благодать на Тя надеющимся, и мир испроси Цѣркви
даровати, да всяк язык христианский Тя величает.

Песнь 5

Ирмос: Божиим свѣтом Твоим, Блаже, утренюющих Ти души
любовию озари, молюся, Тя вѣдети, Слове Божий, истиннаго
Бога, от мрака греховнаго взывающа.

Припев: Святая царице Ирино Византийская, моли Бога о нас.

Един многоцѣнен умный бисере евангельский, куплю содѣяв, прияла еси в сѣрдце твое Христа и сотворила сей некрадом от сопротивных.

Припев: Святая царице Ирино Византийская, моли Бога о нас.

Женам похвало, добро жѣно, украсивши себѣ добродѣтелями благочѣстно, возшла еси в чертоги Небесныя и ныне свѣтло веселящися, хвалу воздаѣши Господеви, Богоприятная.

Слава:

Преобразися сердце твоѣ сиянием Божества, сего ради имя, помрачѣннаго, яви сосуд Духа Святаго, много бо может молитва праведныя, споспѣшествуема.

Иныне:

Ныне естество женское возрадовася, печаль преста, радость процветѣ, яко Марие Дево роди Обрадование, Спаса Христа Предвѣчнаго.

Песнь 6

Ирмос: Житѣйское море, воздвигаемое зря напастей бурей, к тихому пристанищу Твоему притѣк, вопию Ти: возведи от тли живот мой, Многомилостиве.

Припев: Святая царице Ирино Византийская, моли Бога о нас.

Класа позлащѣннаго добродѣланий, плод сторичествующ, сѣя многотрудно в вѣце сем, днесь пожинаеши, Ирино, веселием вечным.

Припев: Святая царице Ирино Византийская, моли Бога о нас.

О, чудесè! Какò пребыла еси царицею, присно нищенствуя в богатстве, безмèрного смирения? Какò претерпела еси навèты и крамолы от вельможных твоих, злобою ослеплèнных, не вèдевших святости жития твоего

Слава:

Молвы мирския и вериги начаия разрешил ти Господь в послèдняя и всели тя в пустыне преподобно, нищете Христовой уподоблèние красное.

Иныне:

Волнами напастей обуреваем кораблèц души моя, исхити, Дево, ко Твоему тихому пристанищу, управляя невозбранно.

Господи, помилуй. Зраза. Слава, и ныне.

Кондак гл. 6

Богоименитая Ирино, Второго Рима самодержице, ереси сокрушительнице, святых икон почитательнице, изографов покровительнице, преподобных отцев собеседнице, сирых и убогих попечительнице, узы родства ради Христа разсекшая, мученически исповедала еси Торжество Православия.

Икос

Да Вышняя крепость ныне укротит обдержашую бурю ереси, о, святая царице Ирино! Исповеднице непобедимая, испроси у Христа Царя верным единоумие вкупе со дерзновèнием, во еже законно подвизатися во славу Имени Святаго Его.

Песнь 7

Ирмос: Росодательную убо пещь содела Ангел преподобным отроком, халдѣи же опаляющее велѣние Божие, мучителя увеща вопити: благословѣн еси, Боже отѣц наших.

Припев: Святая царице Ирино Византийская, моли Бога о нас.

Пребезначальне Безсмѣртне Царю, Царствия Вышняго сподобил еси, Тя возлюбившую Ирину, царицу святую, ея же молитвами вся ны во исповедании правыя веры утверди.

Припев: Святая царице Ирино Византийская, моли Бога о нас.

Ороси, Ирино Богоблаженная, свыше капли дождѣвныя живоносных молитв твоих, на ны увядшия зноем полуденнаго сопостата.

Слава:

Избраннице Христова Ирино, всехвальная, светолитием Божественныя благодати озаряема и добротую сияюще, ты бо еси истины державное ограждение и соборности твердыня несокрушимая.

Иныне:

Яко руно орошенное, Твое Рождество, о Владычице, из утробы Пречистыя Твоя изыде Исчитающий капли дождѣвныя, отцѣв Боже, Благословен еси.

Песнь 8

Ирмос: Из пламене преподобным росу источил еси и праведнаго жѣртву водою попалил еси: вся бо твориши, Христѣ, токмо еже хотѣти. Тя превозносим во вся вѣки.

Припев: Святая царице Ирино Византийская, моли Бога о нас.

Господь гласом велиим являет тя новым ромеем - людием державным, сокровище пребогатое, точащее дары коемуждо благопотребныя, умоли Христа Бога, да низпослет мир Церкви Своей под скипетром предержавшаго*.

Припев: Святая царице Ирино Византийская, моли Бога о нас.

Сильным предстательством твоим, святая царице Ирино, да избегнем козней коварнаго велиара, вреда и беды лукаваго обстояния, паче же печати погибельнаго отречения.

Слава:

Мир Божий тезоименитством образующе, вожделенна нам память твоя, дивны деяния, свято житие твоё, вся нам во благо тобою, Боголюбезная Ирино.

Иныне:

Жезле из корене Иессеева, Ты прозябла еси, Цвета Христа израстивши, Марие, яко цветцы, чудесы украсившаго избранныя Своя.

Песнь 9

Ирмос: Бога человеком не возможно видети, на Него же не смють чини Ангельстии взирати; Тобою же, Всечистая, явися человеком Слово Воплощено, Егоже величающе, с небесными вои Тя ублажаем.

Припев: Святая царице Ирино Византийская, моли Бога о нас.

Духовное благородие имущи, любовь и милосердие оттай под порфирой в сердце своем носяше, ныне же яве сугубый венец от Царя царствующих, Ирино, приемиши.

Припев: Святая царице Ирино Византийская, моли Бога о нас.

Предела жития достигши свято, праведности исполнена
бывшее тем же, и исцеления источаеши, и волны страстей
укрощаеши, Ирино, блаженная миротворице.

Слава:

Возлюбила еси безмерно Христа, Ему же ныне яко подобнице
соцарствуеши, со всеми Небесными Силами, воспевая сице:
Докса Си, Кирие, докса Си! Сиречь*: Слава Тебе, Господи,
слава Тебе!

Иныне:

Яко красна, яко предобра, Дево, Прекраснаго в добрбтах паче
вины родила еси Христа, Ему же зовём вси: Господа пойте
дела и превозносите Его во вся веки!

Ины стихиры святого, глас 6.

Подобен: Всю отложивше:

Все любочестие твоё во Христе бысть, егда на царство
Греческое венчашеся, усердно тогда взывала к Нему: Владыко
и Господи мой, да царствует во мне премудрость Твоя, да
разумёю, что есть угодно Тебе. Благоволи же, чтобы мир Твой,
превосходящий всяк ум, ограждал всех и вся. Не славы бо
земныя взыскуем, но о славе Небесней попечение наше.

Вся дела Копронима и сонмище богоборных, яко главу аспида
отсекла секирою Духа, соборне украсила Вселенскую Церковь,
облѣкши в первую доброту ея. Ты же, святая, воистину вѣнче
невесты тоя, шѣствующей в срѣтение Жениха своего Христа.

Все упование на Бога возложивши, образ истиннаго
благочестия всему миру явила еси, любвѣ преизлишше
имущая, свободила людие подвластныя тебе, от беззаконнаго

ярёма нечестия. Да, веселятся Небеса горè, аще убо помиловал Бог тобою, народ Свой.

Акафист

Кондак 1

Избранная во царствующих, Византии Божественное процветèние, лозо от корене благороднейшаго, мира Христова воплощèние, похвальную песнь приносим ти, паче всяческих Церковь и Отечество возлюбившей, ты же яко имèяй дерзновèние ко Господу Сил, ущёдри ны предстательством твоим, благодарне поющих ти:

Радуйся, царице Ирино, славо Церкви, ревнительнице по Бозе и поборнице истины.

Икос 1

Ангелов и всея твари Содетель, посла тя царству Греческому, яко Ангела мирна, благовестити народу Божию, да просветиши владомыя твоя, правовèрием и благочестием, мы же дивящися о тебе таковому промыслèнию Вседержителя, согласно возопийм:

Радуйся, дрèвлей Еллады произрастèние!

Радуйся, Царствующаго града* осияние!

Радуйся, Византии орлице превыспренняя!

Радуйся, престола василевсов* украшение!

Радуйся, премудрости Божией обиталище!

Радуйся, любочèстия и веры образе!

Радуйся, царице Ирино, славо Церкви, ревнительнице по Бозе и поборнице истины.

Кондак 2

Видящи Пречистая Богоматерь во удèле своём страну Ромейскую* мерзостию èреси оскверняемую, избра ты, из

сиротства возвысив, от Афин в Константинополь пресели ты и
возведе на высоту престола царей, заступницей суди тебе быти
Церкви Божией и христианом, сего ради поём Богу: Аллилуия.

Икос 2

Разум Предвечнаго предуведе ты ко спасению и делом велиим,
имя твое с житием сочетавая, мы же грехи и скудость ума
нашего присно поминаючи, в сокрушении духа, со трепетом
сердечным глаголем сице:

Радуйся, свеще Духом Святым возжённая!

Радуйся, ароматнице молитвы благоуханная!

Радуйся, от младенства Господу посвященная!

Радуйся, в сиротстве Божией Материю восприятая!

Радуйся, честных икон лобзание сладкое!

Радуйся, упования тихий Ангеле!

Радуйся, царице Ирино, славо Церкви, ревнительнице по Бозе
и поборнице истины.

Кондак 3

Сила Вышняго осени ты, Богоумная, лжемудрствующим и
суесловящим соборное противоборство сотворила еси, да не
будет расхищаемо ересью стадо Христово, но учением
святоотеческим просвещаемо, прилежно взывает к Богу:
Аллилуия.

Икос 3

Имѐа тцание о вразумлѐнии заблудших, поревновала еси;
Всленскаго Собора составлѐнию, святых икон почитанию,
мощей угодников Божиих прославлению, обителей иноческих
созиданию, просвещения христианскаго насаждению, обидимых
от насилия ограждению. Весь мир православный память с
похвалами приносит ти:

Радуйся, Новаго Рима* самодѐржице!

Радуйся, Горняго Иерусалима насельнице!
Радуйся, пророчества Платонова* сбытиё!
Радуйся, Евфимии Всехвальной пакипрославление!
Радуйся, апостолом равночестная!
Радуйся, к мучеником и исповедником сопричтённая!
Радуйся, царице Ирино, славо Церкви, ревнительнице по Бозе
и поборнице истины.

Кондак 4

Бури мятёжей и злоречия не убоялася еси, егда на враги
Церкви возстала еси, неложно о Христе свидетельствовавшие;
низложёние, изгнание и нуждную смерть претерпела еси, до
последняго воздыхания твоего зовущи ко Господу: Аллилуия.

Икос 4

Слышащи и видящи тя людие благочестивии, душу за ближния
своя полагающу, к тебе прибегают: милостива буди нам и
Владыце Христу предстоя, умоли Того, да отженёт от ны ум
помрачающу тму греховную, сего ради молёбными гимны ты
превозносим:

Радуйся, злато, огнем искушений очищённое!
Радуйся, царскую опалу претерпёвшая!
Радуйся, львов Копронимовых* не убоявшаяся!
Радуйся, без кровей мученице!
Радуйся, адаманта крепльшая!
Радуйся, соборне вселенную просветившая!
Радуйся, царице Ирино, славо Церкви, ревнительнице по Бозе
и поборнице истины.

Кондак 5

Боготёчная звездо светом Христовым зерцающи, предёлы
вселённые достиже лучём своим, ясне путь ко обновлению

мира указуя, да поют Ангели пред Престолом Божиим песнь о грешницех кающихся: Аллилуия.

Икос 5

Видя себè с высоты престола царскаго низведèну, возвèрзла печаль твою на Господа, о вразèх молящися крèпце, предалася еси промыслу Божию, да и безумныя вразумит во èже пети:
Радуйся, сильных мира сего укрощение!
Радуйся, буих кроткое вразумление!
Радуйся, гордость житейскую осмеявшая!
Радуйся, богатство и славу ни во что же вменившая!
Радуйся, стезè ко вратам Едèмским приводящая!
Радуйся, к нèмощем нашим степèни* снизхождения!
Радуйся, царице Ирино, славо Церкви, ревнительнице по Бозе и поборнице истины.

Кондак 6

Проповедуют концы вселèнныя славу твою, во всю зèмлю изыде глаголы твоя: Мы тако ратуем за истину, тако ревнуем о благочестии, тако печèмся о благостоянии Церкви, тако вожделеваем дрèвляя утвердити каноны и мир даровати народу Божию, сим же паки и многажды подвизаеши ны воспевати Господу: Аллилуия.

Икос 6

Возсиял еси свет твой, от востока изшèдый, о мире мира моли, да вси ко Христу обратятся, от сèни смèртныя тёмнаго запада, приидут в познание истины, со умилèнием вzywая сице:
Радуйся, яко Серафиме, любовь ко Господу пламенèющая!
Радуйся, яко Херувиме Божèственныя мудрости изваяние!
Радуйся, еретических новèлл отсечение!
Радуйся, невèрных ко Христу обращение!
Радуйся, Свят, Свят, Свят! - горè возносящая!

Радуйся, святая главо венценосная!
Радуйся, царице Ирино, славо Церкви, ревнительнице по Бозе
и поборнице истины.

Кондак 7

Хотящи Церковь Константинопольскую от анафемы свободити,
мнози труды и скрби победно подняла еси, о спасении
ближних помышляя, облагодетельствовавши подданныя твоя.
По исполнении же сих, от земнаго царствия во Царство
Небесное возшла еси, со Ангелы и святыми угодники Божии
воспевая: Аллилуия!

Икос 7

Новое знамение благоволения Своего яви на тебе Господь, яко
чудо неожиданное, упование верных, с ними же и мы ради
подвигов твоих и благочестия, ублажаем тя, глаголюще
сицевая:

Радуйся, на земли Небесных явлѣние!
Радуйся, гнезда Дионисиева* ластовица радованная!
Радуйся, блаженнейшаго Тарасия* возвышение!
Радуйся, праведнаго Филарета* сподвижнице!
Радуйся, преподобных Платона и Феодора* нравоприѣмнице!
Радуйся, благоверных Константина и Елены* сопрестольнице!
Радуйся, царице Ирино, славо Церкви, ревнительнице по Бозе
и Поборнице истины.

Кондак 8

Странно естъ людем христолюбивым видети, яко многажды от
бед спасаема, дщѣре Церкви и мать народа своего, святой
царице Пульхерии единоправная, веры и правды ради на
страдания себе' впадѣ за прегрѣшения ближних своих, от
Христа нетлѣния венцемъ венчаема, воспела Богови: Аллилуия!

*Гнездо Дионисиево-Афины, родина Святителя Дионисия
Ареопагита.

*Тарасий патриарх Константинопольский.

*Святой праведный Филарет Милостивый.

*Преподобные Платон Саккудийскийи Феодор Студит.

*Равноапостольные цари Константин и Елена.

Икос 8

Вси Ангельстии чины и святых собори, со радостьми приёмлют
тя, лобзание воздаючи и восклицаючи: О, исповеднице
царственная! Путие земнаго жития совершивше добльственне,
приятя ныне в рай на вèчныя покои и ликование! Мы же купно с
ними память твою празднующи, пение похвальное приносим ти:
Радуйся, земли кротких наследнице!

Радуйся, вèтве райская присноцветущая!

Радуйся, в Вышних Ангелом сликовствуеши!

Радуйся, в дольних от человек хвалу приёмлеши!

Радуйся, Царя царствующих служительнице верная!

Радуйся, Господа госпдствующих любимице нарочитая!

Радуйся, царице Ирино, славо Церкви, ревнительнице по Бозе
и поборнице истины.

Кондак 9

Все скорбие бысть и слез потоцы, егда донèсшеся до Новаго
Рима весть о успèнии твоём, понèже разумèхом, чесо убо
утратиша по грехом своим, стеная и сèтуя купно вси
возгласиша к Богу: Аллилуия.

Икос 9

Ветии сладковещанныя не возмогут изрещи по достоянию, яко Господь, печаль на радость преложи, егда честныя и чудотворныя твоя мощи со славою шествовавшие в Царьград и под своды Великия церкви* водворилися еси, последи же Ангелы со человеки торжествуя, составивши хор, воспели ти таковая:

Радуйся, в житии твоём миротворице!

Радуйся, Небесных благ провозвѣстнице!

Радуйся, оправданий Господних плоды принесшая!

Радуйся, счастием во веки веков просиявшая!

Радуйся, земнородных и Небесных похвалами воспѣтая!

Радуйся, премудрых жен красото и славо!

Радуйся, царице Ирино, славо Церкви, ревнительнице по Бозе и поборнице истины.

”Великая церковь-храм святых Апостолов в Константинополе.

Кондак 10

Спаستися хотяй всем человеком, иже на крови мученик Церковь Свою основавый Сердцеведец Христос, Истинный Бог наш, положи исповедание твоё, яко камень драгий во основание храмины Церкви воинствующей, да всяк в ней обретающийся, победно поет Ему: Аллилуия.

Икос 10

Град и убежище еси всем с верою к тебе притекающим; надѣждо, помощи и утверждѣние любящим тя, зане Божественным рачѣнием исполнися дух твой, от избытка сего,

да излиёши на ны милость твою, тем же множицею тебе глаголем:

Радуйся, молитв ко Господу фимиамный облаче!

Радуйся, благи Пренебесныя росы мироуханная!

Радуйся, печалей Надмирное утолёние!

Радуйся, тобою милостивное щедрот подавание!

Радуйся, мира Божия оружие миротворящее!

Радуйся, пресладкое любве Христовы уловёние!

Радуйся, царице Ирино, славо Церкви, ревнительнице по Бозе и поборнице истины.

Кондак 11

Пению молебному прилежаще усердно, утешити тя Пресвятая Богородице явлением Своим, и призва иноческую обитель устроити на Карийском холме в честь Рождества Своего, ты же присно послушлива бысть с любовию возопила к Рождшемуся от Нея: Аллилуия.

Икос 11

Светом Божественнаго явления осиянная, о последнем убо дни и часе блаженнаго исхода твоего произвещённая бысть от Господа, и тако с миром предала душу твою в руке Христа, от младенства Егоже любя, и за Имя Его Святое толико нужд претерпела еси, сего ради поем ти:

Радуйся, путём тесным ко Христу востёкшая!

Радуйся, кротце Богу в жертву себе принёсшая!

Радуйся, память твою чтити возблаговолившая!

Радуйся, поющим тя незримо предстоящая!

Радуйся, скипетре царства верных!

Радуйся, Седьмаго Вселенскаго Собора вёнце!

Радуйся, царице Ирино, славо Церкви, ревнительнице по Бозе и поборнице истины.

Кондак 12

Божественная благодать, немощная врачующая, нёкогда
исцели ты водами храма Живоносного Источника Пресвятыя
Богородицы и укрепи на последняя подвизи твоя, умертвити
помыслы безмолвием, да умне в сердце возглаголеши:
Аллилуия.

Икос 12

Поюще чудесы твоя источницы вод, егда изведе я Господь из-
под корене древа, егоже ты насади и слезами твоими ороси е,
исцеления даруеши причащающимся от воды тоя, паче же
напояеши во знои века сего, поющих прилѣжно:

Радуйся, терпѣния действо совершѣнное!

Радуйся, немощей скорое прогнание!

Радуйся, печальных радости пробуждения!

Радуйся, ко Господу бодренное воззвание!

Радуйся, прохладо в сѣни молитв твоих!

Радуйся, милосѣрдия и чудес источнице!

Радуйся, царице Ирино, славо Церкви, ревнительнице по Бозе
и поборнице истины.

Кондак 13

О, Святая царице Ирино! Словес сих толь малое приношение
наше, от любве к тебе творимое, умильно просим, приими и
призри на ны смиренныя, страстьми и грехми многими
обдержимыя, о спасении своем недоумѣвающия, умоли
Вседержителя да не внидет в суд с нами, научи ны
оправданием Его, во дни и в нощи взывающих: Аллилуия,
Аллилуия, Аллилуия!

(Сей кондак глаголем трижды, затем икос 1 и кондак 1).

МОЛИТВА

Измлада сиротство извѣдавшая, царице Ирино, буди нам духовная мати от водительства и окормлѣния духовнаго осиротевшим. По промыслу Божию на царство Греческое вѣнчанная, в правде Господней народом своим правившая, и нас упаси в вере и истине.

Богу тебе соцарствующу, советники и наставники имела святых отец, моли, да и мы от них вразумляемся. Богомудрая царице, ересь сокрушившая, соборному разсуждению нас научай. Природу естества победившая, родства законы, яко жертву Авраамлю угодную ко Престолу Всевышняго принесла еси: да прославится Бог! Со благоговением взираем на подвизи твоя из последняго нашего времени. Да не связаны будем никоим пристрастием, никоею заботою житейскою, ни боязливостию, ни бесовским мечтанием.

Радостию сияющая монархиня добрая, научи нас, Единого Христа Сына Божия знати, Егоже Единого любити, Егоже в вере и истине исповѣдати, яко ты исповедала в тесноте и изгнании, даже до смерти. Укрепи и не остави нас среди міра сего, во зле лежащаго, изгнати, миру Божественному тезоименитая, и в мир Христов вечный введи нас, молитвенно тя почитающих. Аминь.

